

四庫全書

史部

欽定四庫全書

史部

陝西通志卷九十六

詳校官監察御史_臣劉湄

檢討_臣德生覆勘

總校官降調編修_臣倉聖脉

校對官編修_臣盧遂

謄錄監生_臣楊鸞

欽定四庫全書

陝西通志卷九十六

藝文十二

五言律

六言律

七言律

秋日翠微宮

唐太宗

秋光凝翠嶺涼吹肅離宮
荷疎一蓋缺樹冷半帷空
側陣移鴻影圓花釘菊叢
攄懷俗塵外高眺白雲中

望終南山

同前

重巒俯渭水碧嶂插遙天
出紅扶嶺日入翠貯巖烟
疊

松朝若夜複岫缺疑全對此恬千慮無勞訪九仙

驪山寓目

中宗

四郊秦漢國八水帝王都閭闔雄里閉城闕壯規模貫
渭稱天邑含岐實奧區金門披玉館因此識皇圖

過大哥宅探得歌字

玄宗

魯衛情先重親賢愛轉多冕旒豐暇日乘景暫經過戚
里中高宴平臺奏雅歌復尋為善樂方念保山河

惟此溫泉是稱愈疾豈予獨受其福思與兆人共

之乘暇巡遊乃言其志

同前

桂殿與山連
蘭湯湧自然
陰崖含秀色
溫谷吐潺湲
績為蠲邪著
功因養正
宣願言將億兆
同此共昌延

隴頭水

盧照隣

隴阪高無極
征人一望鄉
關河別去水
沙塞斷歸腸
馬繫千年樹
旌懸九月霜
從來共嗚咽
皆是為勤王

奉和人日宴清暉閣宴羣臣遇雪應制

宗楚客

窈窕神仙閣參差雲漢間
九重中葉啟七日早春還太
液天為水蓬萊雪作山
今朝上林樹無處不堪攀

春日芙蓉苑侍宴應制

宋之問

芙蓉秦地沼盧橘漢家園
谷轉斜盤徑川迴曲抱原
風來花自舞春入鳥能言
侍宴瑤池夕歸途騎吹繁

梨園亭子侍宴應制

崔湜

年光陌上發香輦禁中游
草綠鴛鴦殿花明翡翠樓
寶杯呈露酌仙館雜風流
今日陪歡豫皇恩不可酬

春日宴樂游園賦韻得接字

王勃

帝里寒光盡神皋春望浹梅郊落晚英柳甸驚初葉流水抽奇弄崩雲灑芳牒清尊湛不空暫喜平生接

甘露

一作泉

殿侍宴應制

李嶠

月宇臨丹地雲牕網碧紗御筵陳桂醕天酒酌榴花水向浮橋直城連禁苑斜承恩恣歡賞歸路滿烟霞

蓬萊三殿侍宴奉勅詠終南山應制

杜審言

北斗挂城邊南山倚殿前雲標金闕迴樹杪玉堂懸半
嶺通佳氣中峯繞瑞烟小臣持獻壽長此戴堯天

奉和九日幸臨渭亭登高應制得月字

韋元旦

雲物開千里天行乘九月絲言丹鳳池旆轉蒼龍闕灞
水歡娛地秦京游俠窟欣承解慍詞聖酒黃花發
奉和幸望春宮送朔方軍大總管張仁亶

李適

地限驕南牧天臨餞北征解衣延寵命橫劍總威名豹
畧恭宸旨雄文動睿情坐觀膜拜入朝夕受降城

奉和聖製登驪山高頂寓目應制

蘇頌

仙蹕御層氛高高積翠分巖聲中谷應天語半空聞豐
樹連黃葉函關入紫雲聖圖恢寓縣歌賦少一作小橫汾

奉和聖製溫泉言志應制

張說

溫谷媚新豐驪山橫半空湯池薰水殿翠木暖烟宮起
疾逾仙藥無私合聖功始知堯舜德心與萬人同

奉和聖製登驪山囑眺應制

前人

寒山上半空
臨眺盡寰中
是日巡遊處
晴光遠近同
川明分渭水
樹暗辨新豐
巖壑清音暮
天歌起大風

夜宿七盤嶺

沈佺期

獨遊千里外
高卧七盤西
山月臨窗近
天河入戶低
芳春平仲綠
清夜子規啼
浮客空留聽
褒城聞曙雞

咸陽覽古

前人

咸陽秦帝居
千載坐盈虛
版築林光盡
壇場雷聽疎
野

橋疑望日山火類焚書惟有驪峯在空聞厚葬餘

奉和聖製登驪山高頂寓目應制 趙彥昭

皇情遍九垓御輦駐昭回路若隨天轉人疑近日來河
看大禹鑿山見巨靈開願扈登封駕常持薦壽杯

奉和九日幸臨渭亭登高應制得餘字

蕭至忠

望幸三秋暮登高九日初朱旗巡漢苑翠帟俯秦墟寵
極萸房遍恩深菊酎餘承歡何以答萬億奉宸居

奉勅送呂補闕往西嶽勒碑得雲字 孫逖

刻石記天文朝推谷子雲篋中緘聖札巖下揖神君語
別梅初艷為期草欲薰往來春不盡離思莫氛氲

奉和登會昌山應制

前人

巖磴列雲旗吾君訪道時乾行萬物覩日馭六龍遲望
遠迴天顧登高動睿詞願因山作壽長保會昌期

從駕溫泉宮

徐安貞

神女調溫液年年待聖人試開臨水殿來洗屬車塵暖

氣隨明主恩波浹近臣靈威自無極從此獻千春

終南山

王維

太乙近天都連山接海隅白雲迴望合青靄入看無分
野中峯變陰晴衆壑殊欲投人處宿隔水問樵夫

過香積寺

前人

不知香積寺數里入雲峯古木無人徑深山何處鐘泉
聲咽危石日色冷青松薄暮空潭曲安禪制毒龍

送楊長史由棧道入川

前人

猿斜不容憶之子去何之鳥道一千里猿聲十二時官
橋祭酒客山木女郎祠別後同明月君應聽子規

輞川閒居

前人

一從歸白社不復到青門時倚簷前樹遠看原上村青
菰臨水拔白鳥向山翻寂寞於陵子桔槔方灌園

終南別業

前人

中歲頗好道晚家南山陲興來每獨往勝事空自知行
到水窮處坐看雲起時偶然值林叟談笑無還期

題潼關樓

崔顥

客行逢雨霽歇馬上津樓山勢雄三輔關門扼九州川
從陝路去河遶華陰流向曉登臨處風烟萬里愁

觀華嶽

祖詠

西入秦關口南瞻驛路連彩雲生闕下松樹到祠邊作
鎮當官道雄都俯大川蓮峯徑上處彷彿有神仙

與鄠縣羣官泛漢陂

岑參

萬頃浸天色千尋窮地根舟移城入樹岸濶水浮村閒

鷺鷥簫管潛蚪傍酒樽
暝來呼小吏列火儼歸軒

雪後與羣公過慈恩寺

前人

乘興忽相招僧房暮與朝
雪融雙樹濕紗閣一燈燒
竹外山低塔藤間院隔橋
歸家如欲嬾俗慮向來消

晚至華陰

皇甫曾

臘盡促歸心行人及華陰
雲霞仙掌出松柏古祠深
野渡氷生岸寒川燒隔林
溫泉看漸近宮樹晚沈沈

與鄠縣源大少府宴漾陂得寒字

杜甫

應為西陂好金錢
盤一餐飯抄雲子
白瓜嚼水精寒無
計迴船下空愁避
酒難主人情爛漫
持答翠琅玕

陪鄭廣文遊何將軍山林十首

山林在韋曲西塢坡

前人

不識南塘路今知第五橋
名園依綠水野竹上青霄
谷口舊相得濠梁同見招
平生為幽興未惜馬蹄遙
百頃風潭上千章夏木清
卑枝低結子接葉暗巢鶯
鮮鯽銀絲膾香芹碧澗羹
翻疑柁樓底晚飯越中行

萬里戎王子何年別月支異花開絕域蔓草匝清池漢使徒空到神農竟不知露翻蕪雨打開拆漸離披

旁舍連高竹疎籬帶晚花碾渦深沒馬藤蔓曲藏蛇詞賦工無益山林跡未賒盡拈書籍賣來問爾東家

賸水滄江破殘山碣石開綠垂風折筍紅綻雨肥梅銀甲彈箏用金魚換酒來興移無灑掃隨意坐莓苔

風磴吹陰雪雲門吼瀑泉酒醒思卧簟衣冷欲裝綿野老來看客河魚不取錢只疑淳朴處自有一山川

棘樹寒雲色箇陳春藕香脆添生菜美陰益食單涼野
鶴清晨出山精白日藏石林蟠水府百里獨蒼蒼
憶過垂柳渚走馬定昆池醉把青荷葉狂遺白接羅刺
船思郢客解水乞吳兒坐對秦山晚江湖興頗隨
牀上書連屋階前樹拂雲將軍不好武稚子總能文醒
酒微風入聽詩靜夜分絺衣掛蘿薜涼月白紛紛
幽意忽不愜歸期無奈何出門流水注回首白雲多自
笑燈前舞誰憐醉後歌祇應與朋好風雨亦來過

重過何氏五首

前人

問訊東橋竹將軍有報書倒衣還命駕高枕乃吾廬花
妥鶯捎蝶溪喧獺趁魚重來休沐地真作野人居

山雨尊仍在沙沉榻未移犬迎曾宿客鴉護落巢兒雲
薄翠微寺天清皇子陂向來幽興極步履過東籬

落日平臺上春風啜茗時石闌斜點筆桐葉坐題詩翡
翠鳴衣桁蜻蜒立釣絲自今幽興熟來往亦無期

頗怪朝參嬾應耽野趣長雨拋金鎖甲苔卧綠沈槍手

自移蒲柳家纔足稻梁看君用幽意白日到羲皇
到此應常宿相留可判年蹉跎暮容色悵望好林泉何
日沾微祿歸山買薄田斯懷恐不遂把酒意茫然

驪山

前人

驪山絕望幸花萼罷登臨地下無朝燭人間有賜金鼎
湖龍去遠銀海雁飛深萬歲蓬萊日長懸舊羽林

溫泉即事

皇甫冉

天仗星辰轉霜冬景氣和樹含溫液潤山入繚垣多承

相金錢賜平陽王輦過魯儒求一謁無路獨如何

奉和聖製次瓊嶽應制

韋濟

陸海披晴雪千旗獵早陽嶽臨秦路險河遶漢垣長路
行通鳩鵲離宮接建章都門信宿近歌舞從周王

望終南

竇牟

日愛南山好時逢夏景殘白雲兼似雪清晝乍生寒九
陌峯如墜千門翠可團欲知形勝盡都在紫宸看

登秦嶺

司空曙

南登秦嶺頭回首始堪憂
漢關青門遠商山藍水流
三湘遷客去九陌故人遊
從此思鄉淚雙垂不復收

登咸陽北寺樓

張籍

高秋原上寺下馬一登臨
渭水西來直秦山南向深
舊宮人不住荒碣路難尋
日暮涼風起蕭條多遠心

過華清宮

李賀

春月夜啼鴉宮簾隔御花
雲生朱絡暗石斷紫錢斜
玉腕盛殘露銀燈點舊紗
蜀王無近信泉上有芹芽

馬戴居華山因寄

賈島

玉女洗頭盆孤高不可言
瀑流蓮嶽頂河注華山根
絕
雀林藏鶻無人境有猿
秋蟾纔過雨石上古松門

曲江

白居易

細草岸西東酒旗搖水風
樓臺在花杪鷗鷺下烟中
翠
幄晴相接芳洲夜暫空
何人賞秋景興與此時同

入潼關

張祜

都城三百里雄險此迴環
地勢遙尊嶽河流側讓關
秦

皇曾虎視漢祖昔龍顏何處集兇輩干戈自不閒

秋日赴關題潼關驛樓

許渾

紅蕖晚蕭蕭長亭酒一瓢殘雲歸太華疎雨過中條樹
色隨山過河聲入海遙帝鄉明日到猶自夢漁樵

行次潼關題驛後軒

前人

飛閣極層臺終南北路迴山形朝關去河勢抱關來雁
過秋風急蟬鳴宿霧開平生無限意驅馬任塵埃

商於新開路

貞元七 years 上雒郡刺史李
西華開新道七百餘里

李商隱

六百商於路崎嶇古共聞蜂房春欲暮虎穿日初曛路
向泉間辨人從樹杪分更誰開捷徑速擬上青雲

商山早行

溫庭筠

晨起動征鐸客行悲故鄉雞聲茅店月人迹板橋霜
葉落山路積花明驛牆因思杜陵夢鳬雁滿迴塘

秋宿慈恩寺遂上人院

李頻

滿閣終南色清宵獨倚欄風高斜漢動葉下曲江寒帝

里求名老空門見性難吾師無一事不似在長安

過四皓廟

前人

東西南北人高跡自相親天下已歸漢山中猶避秦
樓曾作客鶴髦不為臣獨有千年後青青廟木春

題汧湖

二首
選一

許棠

偶得湖中趣都忘隴坻愁邊聲風下雁楚思浪移舟靜
極亭連寺涼多島近樓吟遊終不厭還似曲江頭

雕陰道中

前人

五月綏州北途程少鬱蒸馬依羶草聚人抱濁河澄蹟
固長城壘寬深太子陵往來經此地悲苦有誰能

夏州道中

前人

茫茫沙漠廣漸遠赫連城堡迥烽相見河移浪旋生無
蟬嘶折柳有寇似防兵不耐飢寒迫終誰至此行

題鄭侍御藍田別業

張喬

秋山清若水吟客靜於僧小徑通商嶺高窗見杜陵雲
霞朝入鏡猿鳥夜窺燈許作前峯侶終來寄上層

終南山

前人

帶雪復銜春，橫天占半秦。
勢奇看不定，景變寫難真。
洞遠皆通嶽，川多更有神。
白雲幽絕處，自古屬樵人。

遊華山雲際寺

一作遊少華山甘露寺

前人

少華中峯寺，高秋衆景歸。
地連秦塞起，河隔晉山微。
晚來蟬相應，涼天雁並飛。
殷勤記巖石，祇恐再來稀。

金州客舍

方干

卷箔雲峯暮，蕭條未掩關。
江流嶓冢雨，帆入漢陰山。
落

葉歌眠後孤砧倚望間此情偏耐醉難遣酒樽閑

沙苑

鄭谷

茫茫信馬行不似近都城苑吏猶迷路江人莫問程聚
來千嶂出落去一川平日暮客心速愁聞雁數聲

題興善寺

前人

寺在帝城陰清虛勝二林蘚侵隋畫暗茶助越甌深巢
鶴和鐘唳詩僧倚錫吟烟莎後池水前跡杳難尋

自註
十才

予詩集多有興善寺後池之
作今寺在池無每用追嘆

終南山

王貞白

千山凝黛色列翠滿長安地去搜揚近人謀隱遯難水
穿諸苑過雪照一城寒為問紅塵裏誰同駐馬看

商山

前人

商山名利路夜亦有人行四皓臥雲處千秋疊蘚生晝
燒籠澗黑殘雪隔林明我待酬恩了來聽水石聲

宿鳳翔天柱寺窮易元上人房

李洞

天柱暮相逢吟思天柱峯壘研青露月茶吸白雲鐘卧

語身粘蘚行禪頂拂松探元為一決明日去臨邛

題終南隱者室

僧齊己

終南山北面直下是長安自歸青苔室閑歌白石看風
吹窗樹老日曬竇雲乾時向圭峯宿僧房瀑布寒

過秦嶺

後周 孟貫

古今傳此嶺高下勢崢嶸安得青山路化為平地行蒼
苔留虎跡碧樹障溪聲欲過一回首踟躕無限情

再歸秦川

宋 寇準

阮路何方盡西歸興未勞河流經狹狹山色入秦高返
照明秋壘孤村接暮濤還如丁令至故里滿蓬蒿

登麟州城樓

張詠

莫問戎庭苦高欄是夕攀時清官事少邊靜戍人閒雉
堞臨寒水穹廬倚亂山皇恩正無外不擬更移還

長安府舍十詠選一

韓琦

西北高樓上南山日面欄勢籠秦地勝陰落渭波寒帶
雨新屏活穿雲古道難仙扃如可造便擬挂朝冠山樓

雨後遊華嚴川馬上作

文彥博

雨後城南路無泥未有塵因觀曲江樹更憶杏園春
草色遙侵水山光翠逼人勸農兼訪古攬轡緩朱輪

興慶池得晚字

蘇舜欽

餘潤漲龍渠疏溜連清漭助曉遠昏山浮秋明刮眼魚
歸別浦閑雁下蒼波晚岸北有高臺離魂蕩無限

獨遊輞川

前人

行穿翠靄中絕澗落疎鐘數里踏亂石一川環碧峰暗

林麋養角當路虎留蹤隱逸何曾見孤吟對古松

繡嶺

邵雍

繡嶺皮層巒岩堯十九盤微微經雨後杳杳出雲端往事金輿遠遺蹤玉像殘至今臨渭水依舊見長安

遊紫閣山

程顥

仙掌遠相招縈紆度石橋暝雲生澗底寒雨下山腰樹色千層亂天形一罅還吏紛難久駐回首羨漁樵

和韓侍中上巳日會興慶池

范純仁

波漲朱闌外山明綺席前
畫橈飛彩鷁紅旆照清漣
東閣隨開府佳賓盡謫仙
夕陽歸騎外芳草綠綿綿

草堂逍遙寺

李章

羅什留真嗣重扉掩碧松
隣僧來紫閣遠逕接圭峯
雨氣晴先潤庭陰午後濃
依稀祖師意瘦倚一枝筇

書山孫亭

韓絳

玉井不可到玉泉聊可尋
馬行穿亂石人語入深林
州迴少明色溪喧谷響音
我來方六月雲榭一披襟

仙遊潭

蘇軾

翠壁下無路何年雷雨穿光搖巖上寺深到影中天我
欲燃犀看龍應抱寶眠誰言孤石上危坐試僧禪

題石室責馬融

前人

未應將軍聘初從季直遊絳紗生不識蒼石尚能留豈
害依梁冀何須困李侯吾詩甚勿刻猿鶴為君羞

董龍社

前人

唐初傳有此亂後不留碑畏虎關門早無村得米遲山

泉自入甕野桂不勝炊信美那能久應先學忍饑

祁山堡

胡明善

臥龍扶漢室躍馬阨秦原星落干戈死山空雲鳥存
昏鴉啼古戍秋水咽孤村愁讀出師表淒淒傷我魂

遊靈巖

文紳儀

一入靈巖寺凭欄望眼遙山深雲障日江濶夜生潮
古洞遺仙跡流泉傍石橋醉來搔首咏得句興偏饒

吳山縣

十首
選一

丁帶

瀟灑吳山縣居民近百家孤城連阜起小市枕溪斜土
潤宜栽竹泉甘好試茶公餘無一事何處息紛華

曲江秋望

金師拓

山遠嶂重出野平天四圍涼風焚實坼久雨藕花肥水
濶魚舟小天長去鳥微紫蒲行處有采采萸盈衣

渭水

刁白

渭水秋天白驪山晚照紅行人迷古道老馬識新豐霜
顏滿歸髻乾坤猶轉蓬愁來成獨酌醉袖障西風

武侯廟

張輿

長蛇成八陣，渭水鼓雷波。
地據三分少，公才十倍多。
慨吟梁甫韻，常歎大風歌。
日月光同烈，青編永不磨。

風陵渡

趙子正

一水分南北，中原氣自全。
雲山連晉壤，烟樹入秦川。
落日黃塵起，晴沙白鳥眠。
輓輸今正急，忙殺渡頭船。

宿雲臺觀

元曹之謙

趨程疲永路，寄宿喜琳宮。
蓮嶽三峯對，松林一徑通。
地

偏殘暑失境靜俗塵空入夜清詩夢山泉落枕中

長安陌

余闕

浩浩長安陌瓊樓夾廣塵鴛鴦御溝上芍藥吹樓前駿
馬追韓嫣金樽約鄭虔功名有時有且得樂當年

長安道

明
錢惟善

車馬如流水樓臺結彩虹王孫來戚里豪士遇扶風不
覩衣冠盛空聞意氣雄鶯肩亦何事日暮醉新豐

經華嶽祠和唐皇甫孝韻

楊榮

萬里故園心行行及華陰古祠松雨暗西嶽嶺雲深野
燒偏依戍昏鴉正滿林華清宮樹近斜日影沈沈

金牛峽

薛瑄

巨峽三千里天開幾萬年泉飛林杪雨雲合管中天一
水橋頻度層崖石亂懸梁州舊禹蹟謬矣五丁傳

冬日秦嶺

王傳

萬折商於路攀緣步轉難雪橋雙屐滑風洞一裘寒倚
仗看虬壑穿林正鶻冠綺園在何許芝草見闌干

驪山

李夢陽

繡嶺花仍繡湯泉滿故宮禁池人自浴新月古應同玉
殿興亡後青山涕淚中千岳歌吹入猶思翠華東

康狀元話武功山水

前人

夢寐關中好連年未得歸側聞武功勝佳興益翻飛水
繞褒斜出山從盤屋圍因君覓水竹為買釣魚磯

初入棧道

許讚

梁漢起天中形連百二雄萬山爭地立一路與雲通樹

杪過人影崖頭嘯虎風我行三月暮悵望華陰東

武關

何景明

北轉趨劉壩西盤出武關微茫一線路迴合萬重山天
地幾龍戰風雲惟鳥還關門鎖溪水日夜送潺湲

過華清殿

前人

冬駐華清殿千秋憶翠華青山無帝宅荒草半人家雪
下湯泉樹春回繡嶺花長安望不遠誰見五陵霞

寄三子

前人

三子者王呂康三子也三子俱產關中並見而同隱
西望興懷為詩寄之

鄠杜終南曲邠岐渭北陞水多龍卧處山有鳳來時星
宿中宵動風雲萬里移滄江問靈劍離合少人知

謁后稷廟

康海

翠柏籠香殿蒼雲陰石苔春深迷古砌日夕暗層臺文
德通時夏烝嘗尚有邠萬年瞻廟貌茅土亦悠哉

過古章臺街

王九思

春日章臺路風流憶往賢
空餘好楊柳非復舊人烟
漢史芳名著秦宮夾道聯
飛花何意緒迎客馬頭前

說經臺

王暘

老子談經地山花夾路開
斷雲橫遠樹斜日上荒臺
白石望常在青牛期不來
勞勞百年裏何處是蓬萊

涉滹川

康栗

滹川洲上草春日翠烟齊
直接終南巘平連水北栖
芳心千古惜幽興幾人迷
欲泛無舟楫長歌鳳麓西

華山阻雪

楊慎

山頭不可上谷口迴難分
遠見三峯雪平鋪萬壑雲
紫霞虛洞府白馬閼靈文
愧爾神仙骨空懷麋鹿羣

長安道

薛蕙

神州應東井天府擅西秦
雙闕南山下千門渭水濱
公卿畏主父賓客慕平津
方朔何為者虛稱避世人

盧灣

灣有鳴咽泉扶蘇廟

馬汝驥

碣背孤城曲川吞萬里偏
乍晴沙日好首夏野雲鮮
酒

灑花間石琴揮樹裡泉獨哀公子廟遺像臥蒼烟

遊紅石峽

楊守謙

倚劍臨榆塞開筵傍斗城銀川朝氣合金粟暮雲平虎
帳倚緹騎龍沙拔漢旌封侯思定遠投筆媿書生

月兒臺

張珩

太宰舊遊地扶蘇賞月臺雙流平野合一徑半山開石
洞惟雲度花崑但鳥來登臨興不盡徙席向莓苔

弔少陵有感

唐龍

天寶流離際移家住此村江山惟白石風雨自黃昏幸
弔天涯跡誰招水上魂暮春啼鳥歇寂寂長溪蓀

秋日出塞

前人

鼓角川原振旌旗日月明屯兵紅石峽斬將黑山城血
染芹河赤氛收榆塞清陰山應有淚飛檄到神京

長安道

張時徹

曙動開長樂鶯鳴遶建章龍媒馳道出鳳吹彩旌揚繡
陌生朱霧銅溝映綠楊渭橋春水漲日日汎鴛鴦

石鼈谷漫題

周宇

谷口交危石山腰瀉怒泉蛇盤青靄徑仙館白雲天信
宿隨遺榻登臨不記年貪竒忘緩步回首失村烟

驪山溫泉

王格

咸陽無雕輦驪山尚浴泉湯池同野壑水殿祇寒烟月
冷新豐路沙沈渭浦田行人漫投足誰識濯龍年

經始皇墓

喬世寧

雄圖不可見墟墓亦無憑寶藏應先發泉宮侈後稱只

餘雙嶺月長作萬年燈山下東原道人說霸陵

金臺觀

張鍊

不為依陳寶浮雲自往來三峯留玉洞一杖下金臺海
嶽歸何處君王名不回無生本無地人世漫徘徊

同子成遊說經臺

溫純

為結烟霞侶因過尹喜門停車逢白鶴揮塵聽元言瑤
草經春長琪花冒雨繁真源如可問待月坐黃昏

過武關

前人

關塞空秦漢風塵感歲華猿啼惟鳥道犬吠有人家孤
嶂天疑近窮途日易斜商山知不遠吾欲了生涯

子午嶺

劉倬

南北亘長嶺縱橫列萬山橋陵今古在馳道有無間地
拆慶延迴源分漆沮潺秦皇開鑿後塞上幾人還

關山月

李維正

一片關山月秋深倍覺明影含行色淨涼與客愁生虎
負中林嘯蟲依宿草鳴無端隴頭水更作斷腸聲

望終南山

喬因阜

每說山如畫
今看畫不如
峒巖盤地軸
晴翠塞天衢
陸海開王會
神臯奠帝居
由來雄百二
定鼎萬年餘

講學太華山中同志至三百餘衆
馮從吾

徵會來蓮嶽
良朋喜共遊
白雲時去住
野鳥自夷猶
雨霽千巖翠
春深萬木稠
山靈真有待
吾道重千秋

過華清宮浴湯泉

袁宏道

鏡澈古苔光
溪風湛碧香
花猶知世代
水不解興亡
粉

黛山川俗烟泉歲月長而今正好景石骨照蒼涼

扶風

唐錡

馮翊廢已久扶風此獨存制嚴周四輔守固漢西門百
里今為邑千家各有村蕭蕭寒日暮烟火正黃昏

羌村懷少陵

任字宁

寂寞羌村路少陵不復遊客來山欲暮雲去水空流遺
咏殘碑在尋幽古洞留悠悠無限意俯仰已千秋

望昭陵

來復

迴合園陵路峻山護閼宮樵蘇松柏盡兵燹畫圖空缺
馬高原暮珠襦王氣通只疑龍馭近扈從尚羣雄

周公廟

葉桂章

深谷涓涓淨春泉脉脉長松山臨號渭宮宇自隋唐赤
鳥風雷護金縢日月光姬圖元啟聖王祀永垂裳

雞頭關

吳崇文

不度雞頭險誰知鳥道難幾迴懸絕壁百丈俯危湍亂
石排雲出孤峯帶雪寒晚來烟樹滿何處是長安

讀書薦福寺題壁

二首
選一

溫自知

鴈塔藏經地
狂生養拙年
漂零倚短榻
雨雪伴高眠
曉劍南峯出
昏燈北斗連
五陵豪俠子
裘馬各周旋

發扶風

僧宗泐

曉發扶風縣
雲低欲雪時
長河王莽寺
獨樹馬超祠
營窟吹烟早
牛車度坂遲
非熊無復夢
渭水自逶迤

寄次山郡守

許宗魯

道啟鄉先哲
名垂世大儒
宮牆猶闕里
祠宇故橫渠
撤

坐緣歸正懸銘為砭愚生平勤仰止何日一振趨

長安道

本朝徐緘

天府壯無加空廬徑有斜
灞橋驢背柳溫室醉中花
竒字揚雄宅明珠董偃家
君看涇渭水清濁詎相遮

鳳泉即事

李柏

曳杖南村路斜通白石間
林幽禽語靜川遠櫂歌閒
綠沁橋邊水青來寺外山
華清三百里流禍尚潺潺

鳳翔東湖

孫爾思

偃仰平湖曲岑嵐一望收
芟風清帶夏梧月澹澄秋
舫似浮天過人疑入畫遊
仲宣當此際不用賦登樓

登嘉嶺山

白乃貞

覽勝登嘉嶺長坡秋色分
園園千樹柏鎖塔一梯雲
寺記遠公蹟碑留小范勲
踟躕多古意杯酒對斜曛

太史公墓

程必昇

三里芝陽鎮一丘司馬坡
淡雲斜嶺近啼鳥夕陽多
古道餘蒼柏空臺照綠莎
徘徊登眺處猶憶漢山河

潼關

周燦

天險穀函地雄稱古雍州
黃河吞岸曲華嶽挂城頭
官路連荆冀殘碑誌漢周
停車還四望春草滿山丘

臨潼道中次周澹園韻

劉元勳

驅馬長林外秋風雁字斜
山高懸碧嶂水細漾寒沙
目斷新豐樹雲開繡嶺花
不須通姓字直到故人家

八陣圖

鄭日奎

漢沔陣圖在英雄將畧存
鳥蛇分塊石鬼物護重門
江

急軍聲怒雲深殺氣屯賞奇真不易今古一桓溫

上巳集紅石峽翠然閣禊飲

二首
選一

譚吉璵

袞堂開綠浦禊飲向紅山邊地尋蘭少荒亭對酒閒浮觴水更曲藉草坐為斑歸騎城闌晚欣看士女還

石鼓山

許孫荃

岐陽昔大狩石鼓鑿空山文字今何處光芒尚此間人辭三輔地路近七盤關明日連雲棧崎嶇不可攀

五丈原次大復韻

前人

荒原淡斜日古戍黯層陰五丈空留跡三分不死心地
隨營壘沒星與陣雲沉薄暮秋風急如聞梁父吟

關中雜詩

顧炎武

子夏看書室臨河四望開山從雷首去浪拂禹門迴大
道疑將廢遺經重可哀非君真好古誰為掃莓苔

賦得
子夏

石室送康太
乙歸夏陽

武侯琴室

王士禎

竹篠娟娟靜江流漠漠陰至今籌筆地猶見出師心遺

恨成銜壁元聲有故琴千秋絃指外髣髴遇高深

南鄭至沔縣道中

二首
選一

前人

黑水梁州道停車問土風沔流天漢外嶓冢夕陽東處
處棕櫚綠村村擺掇紅更須參玉版修竹賤如蓬

寶雞縣

前人

險絕古陳倉停車落日黃霸圖今寂寞陳寶亦銷亡城
郭秋雲裡人家清渭旁迴看三輔遠秦樹但蒼蒼

望終南

前人

青綺門邊路終南積翠陰山河三輔壯烟樹五陵深朝
市幾遷改白雲無古今何如歸輞口水石好園林

遇仙橋卽事

前人

浮雲收渭北初日照終南馳道連秋水官橋渡曉驂人
烟生浦樹鳥語入秦嵐欲訪漁川隱蘆中有釣菴

漁川原華

州山水勝處

織錦臺

李因篤

織錦人何處遺圖爾自哀秋風吹蔓草野日照荒臺繚

繞悲心極迴環妙緒開此鄉多好女重識二班才

終南山

宋振鱗

白雲飛不盡出沒衆峯青歲月閑中老空虛靜裏聽雙
斜通蜀棧萬里絡秦星樵隱人何處秋深擁翠屏

觀華山瀑布

呂履恆

銀河天半落玉女望中浮高注三秦塞平吞八水流轟
雷奔鳥道掣電入龍湫萬仞青霄上罡風吹未休

梁州

前人

蜀道天難上梁州路已遥岷嶓蟠北戒江漢渠南條落
日七盤嶺晴天萬里橋獨留懷古意歌哭未能消

甘泉雜吟

二首
選一

楊夢弼

自笑為秦客淹留豈有家飯炊魚子粟薪爇鼠姑花春
去初看柳秋高始食瓜晚年潦倒甚淒絕滯天涯

春日重遊樊川

王心敬

轟轟兩山高涓涓一水迢近山多綠樹隔水爛紅桃時
有遊魚現魚饒谷鳥嬌武陵託跡客誠恐讓逍遙

綠柳蔭前隄紅桃艷後溪祇疑春爛漫不辨境東西
竹多依道山泉盡入谿再來還有信却恐路重迷

灞上送李億

唐溫庭筠

黃山遠隔秦樹紫禁斜通渭城別路青青柳弱前溪漠
漠苔生和風澹蕩歸客落月殷勤早鶯灞上金尊未飲
讌歌已有餘聲

盤屋清明

明何景明

客裏遙逢令節城中不見繁華南山漠漠烟遠清渭迢

迨日斜獨樹桃花自發高樓燕子誰家可惜年年春色
催人白髮天涯

奉和春初幸太平公主南莊應制

唐宋之間

青門路接鳳凰臺素澹宸遊龍騎來澗草自迎香輦合
巖花應待御筵開文移北斗成天象酒近南山作壽杯
此日侍臣將石去共歡明主賜金回

奉和春日出苑矚目應令

時為太子舍人
使在東都作

賈曾

銅龍曉闢問安迴金輅春遊博望開渭水晴光搖草樹
終南佳氣入樓臺招賢已從商山老託乘還徵鄴下才
臣在東南獨留滯欣逢睿藻日邊來

興慶池侍宴應制

韋元旦

滄池潏沕帝城邊殊勝昆明鑿漢年夾岸旌旗疏輦道
中流簫鼓振樓船雲峯四起迎宸幄水樹千重入御筵
宴樂已深魚藻詠承恩更欲奏甘泉

扈從鄠杜奉呈刑部尚書舅崔黃門馬常侍

蘇頌

翠輦紅旗出帝京
長楊鄠杜昔知名
雲山一一看皆異
竹樹叢叢畫不成
羽騎將過持袂拂
香車欲度卷簾行
漢家曾草巡遊賦
何似今來扈聖明

奉和春日幸望春宮應制

前人

東望望春春可憐
更逢晴日柳含烟
宮中下見南山盡
城上平臨北斗懸
細草偏承回輦處
輕花微落奉觴前
宸遊對此歡無極
鳥哢聲聲一作歌聲入管絃

奉和聖製春日幸望春宮應制

張說

別館芳菲上苑東，飛花澹蕩御筵紅。
城臨渭水天河靜，闕對南山雨露通。
繞殿流鶯凡幾樹，當蹊亂蝶許多叢。
春園既醉心和樂，共識皇恩造化同。

侍宴興慶池應制

前人

靈池月滿直城隈，黻帳天臨御路開。
東沼初陽疑吐出，南山曉翠若浮來。
魚龍百戲紛容與，鳬鷁雙舟較泝洄。
願似金隄青草馥，長承瑤水白雲杯。

奉和聖製春日幸望春宮應制

薛稷

九春風景足林泉四面雲霞敞御筵
花鏤黃山金作苑草圖玄灞錦為川
飛觴競醉心迴日走馬爭先眼看鞭
喜奉仙遊歸路遠直言行樂不言旋

龍池篇

沈佺期

龍池躍龍龍已飛龍德先天天不違
池開天漢分黃道龍向天門入紫微
邨第樓臺多氣色君王鳬雁有光輝
為報寰中百川水來朝此地莫東歸

興慶池侍宴應制

前人

碧水澄潭映遠空，紫雲香駕御微風。
漢家城闕疑天上，秦地山川似鏡中。
向浦回舟萍已綠，分林蔽殿槿初紅。
古來徒羨橫汾賞，今日宸遊聖藻雄。

駕幸溫泉

盧象

傳聞聖主幸新豐，清蹕鳴鑾出禁中。
細草終朝隨步輦，垂楊幾處繞行宮。
千官扈從驪山北，萬國來朝渭水東。
此日小臣徒獻賦，漢家誰復重揚雄。

奉和聖製從蓬萊向興慶閣道留春雨中春望之

作應制

王維

渭水自縈秦塞曲
黃山舊繞漢宮斜
鑾輿迥出千門柳
閣道迴看上苑花
雲裏帝城雙鳳闕
雨中春樹萬人家
為乘陽氣行時令
不是宸遊翫物華

敕借岐王九成宮避暑應制

前人

帝子遠辭丹鳳闕
天書遙借翠微宮
隔窗雲霧生衣上
卷幔山泉入鏡中
林下水聲喧語笑
巖間樹色隱房櫳

仙家未必能勝此何事吹笙向碧空

大同殿柱產玉芝龍池上有慶雲神光照殿百官

共覩聖恩便賜宴樂敢書即事

前人

欲笑周文歌宴鎬遙輕漢武樂橫汾豈如玉殿生三秀
詎有銅池出五雲陌上堯尊傾北斗樓前舜樂動南薰
共歡天意同人意萬歲千秋奉聖君

和太常韋主簿五郎溫湯寓目之作 前人

漢主離宮接露臺秦川一半夕陽開青山盡是朱旗繞

碧澗翻從玉殿來，新豐樹裏行人度。
小苑城邊獵騎迴，聞道甘泉能獻賦。
懸知獨有子雲才。

行經華陰

崔顥

岧嶇太華俯咸京，天外三峯削不成。
武帝祠前雲欲散，仙人掌上雨初晴。
河山北枕秦關險，驛樹西連漢時平。
借問路傍名利客，無如此處學長生。

樂遊苑春望

李頻

五陵佳氣晚氤氳，霸業雄圖勢自分。
秦地山河連紫塞，

漢家宮殿入青雲
未央樹色春中見
長樂鐘聲月下聞
無那楊花起愁思
滿天飄落雪紛紛

題東谿公幽居

李白

杜陵賢人清且廉
東溪卜築歲將淹
宅近青山同謝朓
門垂碧柳似陶潛
好鳥迎春歌後院
飛花送酒舞前檐
客到但知留一醉
盤中惟有水晶鹽

首春渭西郊行呈藍田張二主簿

岑參

迴風度雨渭城西
細草新花踏作泥
秦女峰頭雪未盡

胡公陂上日初低，愁窺白髮羞微祿。
悔別青山憶舊溪，聞道輞川多勝事。
玉壺春酒正堪攜。

長安曉望寄崔補闕

包何

迢遞山河擁帝京，參差宮殿接雲平。
風吹曉漏經長樂，柳帶晴烟出禁城。
天淨笙歌臨路發，日高車馬隔塵行。
自憐久滯諸生列，未得金閨籍姓名。

望嶽

杜甫

西嶽陵嶒竦處尊，諸峯羅列似兒孫。
安得仙人九節杖，

拄到玉女洗頭盆車箱入谷無歸路箭栝通天有一門
稍待西風涼冷後高尋白帝問真源

九日藍田崔氏莊

前人

老去悲秋強自寬興來今日盡君歡羞將短髮還吹帽
笑倩傍人為正冠藍水遠從千澗落玉山高並兩峯寒
明年此會知誰健醉把茱萸子細看

題鄭縣亭子

前人

鄭縣亭子澗之濱戶牖憑高發興新雲斷嶽蓮臨大路

天晴宮柳暗長春巢邊野雀羣欺燕花底山蟻遠趁人
更欲題詩滿青竹晚來幽獨恐傷神

題郎士元半日吳村別業兼呈李長官

錢起

半日吳村帶晚霞閉門高柳亂飛鴉橫雲領外千重樹
流水聲中一兩家愁人昨夜相思苦閨月今年春意賒
自嘆梅生頭似雪却憐潘令縣如花

華清宮

張繼

天寶承平奈樂何華清宮殿鬱差我朝元閣峻臨秦嶺
羯鼓樓高俯渭河玉樹長飄雲外曲霓裳閑舞月中歌
只今惟有溫泉水嗚咽聲中感慨多

題仙遊觀

韓翃

仙臺下見五城樓風物淒淒宿雨收山色遙連秦樹晚
砧聲近報漢宮秋疎松影落空潭靜細草香閑小洞幽
何用別尋方外去人間亦自有丹丘

南原望漢宮

司空曙

荒原空有漢宮名
衰草茫茫雉堞平
連雁下時秋水在
行人過盡暮烟生
西陵歌吹何年絕
南陌登臨此日情
故事悠悠不可問
寒禽野水自縱橫

華清宮感舊

王建

塵到朝元邊使急
千官夜發六龍回
輦前月照羅衫淚
馬上風吹蠟燭灰
公主粧樓金鎖澁
貴妃湯殿玉蓮開
有時雲外聞天樂
知是先皇沐浴來

長安春遊

楊巨源

鳳城春報曲江頭上客年年是勝遊日暖雲山當廣陌
天清絲管在高樓龍蔥樹色分仙閣縹緲花香汎御溝
桂壁朱門新邸第漢家恩澤問鄼侯

途次華州陪錢大夫登城北樓春望因覩李崔令
狐三相國唱和之什翰林舊侶繼踵華城山水
清高鸞鳳翔集皆忝宿眷遂題此詩

劉禹錫

城樓四望出風塵見盡關西渭北春百二山河雄上國

一雙旗節委名臣壁中今日題詩處天上同時草詔人
莫恠老郎呈濫吹宦途雖別舊情親

送王十八歸山寄題仙遊寺

白居易

曾於太白峯前住數到仙遊寺裏來黑水澄時潭底出
白雲破處洞門開林間暖酒燒紅葉石上題詩拂綠苔
惆悵舊遊那復到菊花時節羨君迴

華頂

李紳

欲向仙峯煉九丹獨瞻華頂禮仙壇石標琪樹凌空碧

水挂銀河映月寒天外鶴聲隨絳節洞中雲氣隱琅玕
浮生未有從師地空誦仙經想羽翰

登長安慈恩寺塔

盧宗回

東方曉日上翔鸞西轉蒼龍拂露盤渭水寒光搖藻井
玉峯晴色墮朱闌九重宮闕參差見百二山河表裏觀
暫輟去蓬悲不定一凭金界望長安

題慈恩寺塔

章八元

十層突兀在虛空四十門開面面風却怪鳥飛平地上

自驚人語半天中迴梯暗踏如穿洞絕頂初攀似出籠
落日鳳城佳氣合滿城春樹雨濛濛

咸陽城東樓

許渾

一上高樓萬里愁
蒹葭楊柳似汀洲
溪雲初起日沉閣
山雨欲來風滿樓
鳥下綠蕪秦苑夕
蟬鳴黃葉漢宮秋
行人莫問當年事
故國東來渭水流

九成宮

李商隱

十二層樓闋苑西
平時避暑拂虹霓
雲隨夏后雙龍尾

風逐周王八駿蹄
吳嶽曉光連翠巘
甘泉晚景上丹梯
荔枝盧橘霑恩幸
鸞鵲天書濕紫泥

行至金牛驛寄興元渤海尚書

前人

樓上春雲水底天
五雲章色破巴牋
諸生個個王恭柳
從事人人庾杲蓮
六曲屏風江雨急
九枝燈檠夜珠圓
深慚走馬金牛路
驟和陳王白玉篇

潼關河亭

薛逢

重岡如抱嶽如蹲
屈曲秦川勢自尊
天地并功開帝宅

山河相湊束龍門槽聲嘔軋中流渡柳色微茫遠岸村
滿眼波濤終古事年來惆悵與誰論

過潼關

溫庭筠

地形盤曲帶河流景氣澄明是勝遊十里曉雞關樹暗
一行寒雁隴雲愁片時無事溪泉好盡日凝眸嶽色秋
塵尾角中應曠望更嗟芳靄隔秦樓

過新豐

前人

一劍乘時帝業成沛中鄉里到咸京震區已作皇居貴

風月猶含白社情
泗水舊亭春草遍
千門遺瓦古苔生
至今留得離家恨
雞犬相聞落照明

過五丈原

前人

鐵馬雲騅久絕塵
柳陰高壓漢營春
天高殺氣騰關右
夜半妖星照渭濱
上國臥龍空悟主
中原逐鹿不因人
象牀寶帳無言語
從此譙周是老臣

馬鬼驛

前人

穆滿曾為物外遊
六龍經此暫淹留
返魂無驗青烟滅

埋血空生百艸愁香輦却歸長樂殿曉鐘還下景陽樓
甘泉不復重相見誰道文成是故侯

咸陽懷古

劉滄

經過此地無窮事一望淒然感廢興渭水故都秦二世
咸陽秋草漢諸陵天空絕塞聞邊雁葉盡孤村見夜燈
風景蒼蒼多少恨寒山半出白雲層

秋日登醴泉縣樓

前人

閒上高樓時一望綠蕪寒野靜中分人行直路入秦樹

鴈截斜陽背塞雲渭水自流汀島色漢陵空長石苔紋
秋風高柳出危葉獨聽蟬聲日欲曛

寄鄆杜李遂良處士

高駢

小隱堪忘世上情可能休夢入重城池邊寫字師前輩
座右題名律後生吟社客歸秦渡晚醉鄉漁去漢陂晴
春來不得山中信盡日無人傍水行

曲江春望

羅鄴

故國東歸澤國遙曲江晴望憶漁樵都緣北闕春先到

不是南山雪易消
瑞影玉樓開組繡
歡聲丹禁奏雲韶
雖然未得陪鴛鴦
亦酹金觴祝帝堯

漢陂

鄭谷

昔事東流共不回
春深獨向漢陂來
山前別業依稀在
雨裏梨花寂寞開
却展漁絲無野艇
舊題詩句沒蒼苔
潛然四顧難消遣
祇有佯狂泥酒盃

少華甘露寺

前人

石門蘿徑與天隣
雨桂風篁遠近聞
飲澗鹿喧雙派水

上樓僧蹋一梯雲孤烟薄暮闕城沒遠色初晴渭曲分
長欲然香來此宿北林猿鶴舊同羣

過九成宮

吳融

鳳輦東歸二百年九成宮殿半荒阡魏公碑字封蒼蘚
文帝泉聲落野田碧草斷霓仙掌露綠楊猶憶御爐烟
昇平舊事無人說萬疊青山但一川

沂陽閣

韋莊

沂水悠悠去似緝遠山如畫翠眉橫僧尋野渡歸吳嶽

雁帶斜陽入渭城邊靜不收蕃帳馬地貧惟賣隴山鸚
牧童何處吹羌笛一曲梅花出塞聲

過漢陂懷舊

前人

辛勤曾寄玉峯前一別雲溪二十年三徑荒涼迷竹樹
四隣凋謝變桑田漢陂可是當時事紫閣空餘舊日烟
多少亂離無處問夕陽吟罷涕潸然

綏州作

前人

雕陰無樹水南流雉堞連雲古帝州帶雨晚馳鳴古戍

望鄉孤客倚高樓
明妃去日花應笑
蔡琰歸時鬢已秋
一曲單于暮烽起
扶蘇城上月如鉤

咸陽懷古

前人

城邊人倚夕陽樓
城上雲凝萬古愁
山色不知秦苑廢
水聲空傍漢宮流
李斯不向倉中悟
徐福應無物外遊
莫怪楚吟偏斷骨
野烟踪跡似東周

題華嚴寺木塔

南唐張泌

六街晴色動秋光
雨霽憑高只自傷
一曲晚烟浮渭水

半橋斜日照咸陽
休將世路悲塵事
莫指雲山認故鄉
回首漢宮樓閣暮
數聲鐘鼓自微茫

再遊韋曲山寺

後周 譚用之

鵲簷烟斷玉巢欹
罨入春塘太白低
馬踏翠開垂柳寺
人耕紅破落花泥
千年勝槩咸陽上
幾代荒涼繡嶺西
碧吐紅芳舊行處
豈堪回首草淒淒

咸陽懷古

劉蕡

高秋咸鎬起霜風
秦漢荒陵樹葉紅
七國鬪雞方賈勇

中原逐鹿更爭雄
南山漠漠雲常在
渭水悠悠事旋空
立馬舉鞭遙望處
阿房遺址夕陽東

登商州南城樓望山

宋王禹偁

西接藍田東武關
有唐名郡數商顏
二千石盡非吾道
一百年來負此山

自註云自唐末至今百餘年無文臣為刺史

重疊曉嵐新

雨後參差春雪夕
陽間惟供遷客風
騷興醉望吟看不

暫閒

華嶽

韓琦

兩行脩竹夾雲根引入蓮峯山下村
病骨驚魂安氣母
幽亭淑景壓山孫
金堆遠望千灘出
玉漏聲喧萬馬奔
坐嘆空勞無計處却尋歸路日黃昏

送秋馬上始見終南

前人

終南頻月晦峯巒一雨民心萬事寬
救徹旱苗充歲望
洗開山色與人看
半天橫示全秦壯
積雪高連太白寒
欲識衆多欣幸意送秋歌舞滿長安

過武關

胡宿

津亭歌闕戒棠舟五兩風來不暫留西北浮雲連魏闕
東南初日滿秦州層城渺渺人傷別芳草萋萋客倦遊
平樂舊歡收不得更恐飛夢到瀛洲

宿終南山下百塢院

蘇舜欽

驅馬山前訪古蹤僧居瀟灑隔塵籠遠庭石鼈谷澗水
入戶鳴鵲堆上風無限老松秋色裏數聲疎鐸月明中
村雞坐聽三號徹去去前朝氣味同

送李中舍襲之宰南鄭

梅堯臣

莫問襄中道路難，襄陽直上幾重灘。
蒼烟古柏漢高廟，落日荒茆韓信壇。
出水鰈頭一絲挂，穿虹雨脚兩橋殘。
土風大抵如南國，期會先時俗自安。

和韓侍中上巳日會興慶池

范純仁

故堤高柳綠毵毵，花萼遺基映柳南。
啼鳥解招遊客醉，落花時有戲魚銜。
舟攜羅綺添春色，山破雲烟出曉嵐。
後會陪公應更樂，行看廟勝掃妖欂。

華山謁希夷

邵雍

仙掌峯巒峭不收，希夷去後遂無儔。
能斟時事高抬手，善酌人情畧撥頭。
畫虎不成心向在，悲麟無應淚橫流。
寤來不必多言語，贏得清閒第一籌。

春日登大像閣

富弼

拂衣瀟灑倦塵寰，走馬登臨未問禪。
匝野亂流縈古堞，挿雲高閣逼遙天。
山含暮色連青稼，柳帶春容直蘸翠烟。
獨凭危欄不成句，敢同當日善遊仙。

周公廟

蘇軾

吾今那復夢周公尚喜秋來過故宮
翠鳳舊依山突兀
清泉長與世窮通
至今遊客傷離黍
故國諸生詠雨濛
牛酒不來烏鳥散
白楊無數暮號風

樓觀

前人

鳥噪猿呼晝閉門
寂寥誰識古皇尊
青牛久已辭轅軻
白鶴時來訪子孫
山近朔風吹積雪
天寒落日淡孤村
道人應怪遊人衆
汲盡階前井水渾

种將軍謬米脂川大捷

王珪

神兵十萬忽乘秋西磧妖氛一夕收
匹馬不嘶榆塞外長城自起玉關頭
君王別繪凌烟閣將帥令輕定遠侯
莫道無人能定國紅旗行去取涼州

潼關道中

晁補之

塵土長安古道深潼關依舊接桃林
使君驄馬來何後道士青牛去莫尋
春半河山猶寂寞日長坑阪正崎嶇
平生冷笑元龍誤老覺求田負寸心

遊終南雜詠

三首
選一

李騷

入門脩竹聳琅玕坐久香風拂畫欄春色正穠雙檜靜
朝光初上一峯寒翠紫虛室塵襟濶冷逼疎窓夜夢殘
物外閑心殊未愜殷勤重上白雲端

草堂

秋夜思南鄭軍中

陸游

五丈原頭刁斗聲秋風又到亞夫營昔如埋劍常思出
今作閒雲不計程盛事何由觀北伐後人誰可繼西平
眼昏不禁陳編得挑盡殘燈不肯明

恩封渭南伯唐詩人趙嘏為渭南尉當時謂之趙

渭南後來亦將以予為陸渭南乎戲作長句

前人

老向人間久倦遊君恩乞與渭川秋
虛名定作陳驚座
好句真慚趙倚樓
棧豆十分霑病馬
烟波萬里著浮鷗
就封他日輕裘去
應過三峯處處留

次擇之韻聊紀秦事

朱熹

不知四海已揚湯
舞殿歌臺樂未央
五帝威神等牛馬
六王子女盡嬪嬙
仙心久已攀姑射
辯口從教泣華陽

行客詎明千古意
虛疑霞佩響琳瑯

長安懷古

吳激

佳氣猶能想鬱葱
雲間雙闕峙蒼龍
春風十里灞陵樹
曉月一聲長樂鐘
小苑花開紅漠漠
曲江波漲碧溶溶
眼前疊嶂青如畫
借問南山共幾峯

題五丈原武侯廟

郝居中

籌筆無功事可哀
長星飛墮蜀山摧
三分豈是平生志
十倍寧論蓋世才
壤壁丹青仍白羽
斷碑文字只蒼苔

夜深老木風聲惡尚想褒斜萬馬來

過華州

王世昌

拔地三峯冷翠微落品飛瀑噴珠璣吟鞭落拓騎驢過
戰刃韜藏牧馬歸十丈玉蓮秋不謝半楞掌月晝還飛
地靈人傑無遺逸未分蟠螭老布衣

華清故宮

馮延登

寵貴羊羔退曲江華清霧閣對雲窓層巒未了霓裳舞
遷客俄驚羯鼓腔簷際疎星疑曉鏡天邊晴樹認高幢

遊人尚喜風流在白石涵波皂莢雙

上清宮

三首
選一

李汾

憶昔秋風從茂陵詞臣忝預漢公卿瑤池宴罷西王母
翠輦歸來北斗城石馬嘶殘人事改劫灰飛盡海山平
唯餘太液池邊月伴我驂鸞上玉京

岐陽

三首
選一

元好問

眈眈九虎護秦關懦楚孱齊几上看禹貢土田推陸海
漢家封檄自天山北風獵獵悲笳發渭水蕭蕭戰骨寒

三十六峯長劍在倚天仙掌惜空閒

登灝靈門曉望

張輅

灝靈宮閤隱嵒堯清曉空濛瑞靄飄千古金城存祀典
累朝寶冊刻瓊瑤蓬萊天際終須到仙掌雲間遠見招
詩客憑欄興難盡跨鸞安得上層霄

長安

方回

客從函谷過南州畧說長安舊日愁仙隱有峯存紫閣
僧居無寺問紅樓蘭亭古瘞藏狐貉椒壁遺基牧馬牛

萬古不隨人事改，獨餘清渭向東流。

華嶽

張翔

雲開華嶽鬱嵯峨，飛翠時來近玉珂。
鶴駐松崖秋積雪，龜巢蓮井曉無波。
山中酒熟憑花勸，馬上詩成倩鳥歌。
欲採靈芝尋未得，石盆瑤草占春多。

潼關

鄒弘道

踐華因河立戶樞，潼關天險載黃圖。
眈眈虎視秦局鑰，鬱鬱龍蟠漢國都。
共說建瓴天上落，幾看冤骨草間枯。

不知周召親分陝曾恃山川四塞無

華清宮

劉仲殷

金粟堆前鳥弄風朝元閣上晚鳴鐘美人粉黛埋黃土
湯殿潺湲響玉淙自昔詩人悲黍稷當時太液笑芙蓉
不須重作高唐賦蜀道巫山十二峯

華山

明
秦康王志潔

萬仞巍峩出自然巨靈手擘是何年三峯秀出雲霄外
一掌高擎日月邊李白問天登絕頂陳搏傲世隱危巔

何當穩步長梯上摘取峯頭玉井蓮

仙掌

秦簡王成詠

巨靈伸臂向洪崖雲際分明一掌開捧出海天紅日近
挽將蓬島列仙來翠光閃爍紫朱草玉笋聯翩繡綠苔
隔斷紅塵渾不到擎天功業陋三台

渭陵

殷奎

炎精八葉已中衰千載荒陵竟屬誰寢殿有垣悲躑躅
苑門無地覓罍罍祥開沙麓溝中絕禍變躑躅土未夷

颯颯涼風吹客鬢不堪興感立多時

咸陽懷古

熊鼎

立馬平原望故宮關河百二古今雄
南山雙闕阿房近
北斗連城渭水通
龍去野雲收王氣
鶴巢陵樹起秋風
英雄事業昭前哲
看取秦皇漢武功

第一關

王履

裂石為關似洞門
天慳神秀此相分
不曾臨澗先眠石
未暇登峰且看雲
鳥哢只從中界斷
松聲盡許上方聞

誰人更似周徵士不怕鍾山孔氏文

行經華陰

谷宏

雲開太華倚三峯積翠遙連渭水東
遠塞鴈聲寒雨外離宮草色暮烟中
秦關日落行人少漢時天陰古戍空
寂寂武皇巡幸處祠前木葉起秋風

登終南

茅大方

一上終南望眼空長安景物畫圖中
花間鶯避春城仗林杪僧歸曉寺鐘
渭水東流來鳥鼠吳山西下走蛟龍

我生自信通仙骨便欲同乘列子風

橋山

張三丰

披雲履水謁橋陵翠柏烟含玉露輕
袞冕霞飛天地老
文章星煥海山清
巍巍鳳闕迎仙島
渺渺龍車駐帝城
寂寞瑤臺遺漢武
一輪皓月古今明

經華嶽廟

李賢

華嶽巍巍勢獨雄
層霄削出翠芙蓉
紅光映日仙人掌
黛色連天玉女峰
絕頂泉飛千尺練
懸崖根固萬年松

四時賴爾興雲雨歷代尊崇祀典隆

過鳳縣

薛瑄

莫道西行蜀道難老來深喜縱遐觀山從太白連岷嶺
水號嘉陵出散關石積層崖知地厚路登絕巘覺天寬
驅兵過此思諸葛大節常留宇宙間

擬唐長安春望

黃閏

南山晴望鬱嵯峨上路春香御輦過天近帝城雙闕迥
日臨仙仗五雲多鶯聲盡入新豐樹柳色遙分太液波

漢主離宮三十六樓臺處處起笙歌

咸陽懷古

徐震

阿房宮殿對南山閣道縈迴霄漢間霸業終隨烽火盡
遊魂俄載屬車還三千童女空浮海十萬貔貅已入關
留得當年遺恨在長城血淚土猶斑

長安道

李昉

層城迢遞入雲賒處處春風面面花長樂鐘聲催漏箭
新豐樹色擁行車妖姬舞榭留明月貴主妝樓結綺霞

日暮鄉塵連九陌鑾輿傳幸五侯家

祀雞臺

伍福

秦師敗得石如雞千載相傳作縣題霸業烟消山翠隸
祀臺神去草萋迷人行古道車還住花落東風鳥自啼
只有當時清夜月至今光彩照前溪

說經臺繫牛柏

馬文升

塵海仙家第一宮崢嶸臺殿詫秦工五千道德言猶在
百二河山勢自雄煉藥爐寒虛夜月繫牛柏老動秋風

穹碑屹立斜陽外
夜夜龍光貫彩虹

馬融讀書石室

前人

扶風家世漢通儒
不重椒房重道腴
盧鄭又從高第列
郭嚴敢望後塵無
春圍絳帳人如玉
月滿荒臺樹有烏
況是臨江遺廟在
春風十里悵蘼蕪

孤山堡

楊一清

簇簇青山隱戍樓
暫時登眺使人愁
西風畫角孤城曉
落日晴沙萬里秋
甲士解鞍休戰馬
農兒持券買耕牛

回思未築邊牆日曾得清平似此不

出連雲棧

前人

雞頭關下石杈牙傍險憑高此駐車一水縈紆通漢沔
萬峰迴合控褒斜雲中板閣燒難絕谷口簷簷翠欲遮
蜀道秦關俱莫論如今四海正為家

長安懷古

王越

渭水橋邊獨倚闌望中原是古長安斬蛇赤帝留神劍
墮淚銅仙泣露盤宮錦為帆天外落霓裳成隊月中看

不堪回首風塵後北斗城荒鴈塔寒

晚渡咸陽

馬中錫

野色蒼茫接渭川白鷗飛盡水連天僧歸紅葉林間寺
人喚斜陽渡口船表裏山河猶往日變遷朝市已多年
漁翁不管興亡事獨坐秋風釣石邊

曉發甘泉

前人

肩輿清曉發甘泉風雪遙連塞外天野店客敲門問酒
土窑人隔水炊烟山無草木還多石地產鹽裘不衣綿

試叩征夫前路去成鴉聲裏是延川

登潼關城樓柬諸指揮

王傳

層城樓閣枕山阿落日登臨感慨多
虎豹當關通紫氣魚龍吹浪見黃河
百年鎖鑰神京路一劍風塵猛士歌
北徼狼烟猶報警元戎何以淨干戈

大秦寺

前人

終南佳氣鬱蒼蒼瑞草名花滿徑香
道德五千留望鼓樓臺十二壯仙鄉
鶴歸晴院松陰靜龍過秋潭雨氣涼

欲問長生還未信重陽宮殿已斜陽

子午谷

王雲鳳

馬前銅笛數聲頻柳底行沿漢水濱且喜晚炊來子午
曾經春雨憶庚申採茶路曲穿林女放瀨聲高蕩槳人
却恨妖容幾喪國荔枝飛騎不沾塵

潼關

李夢陽

咸東天險設重關閃日旌旗虎豹間隘地黃河吞渭水
炎天白雪壓秦山舊京想像千官入餘恨逡巡六國還

滿眼非無棄繻者寄言軍吏莫嗔顏

華州作

何景明

秋城雨色靜微塵過陝山河望轉新天上嶽蓮開二華
雲中關樹引三秦追遊少小還今日浪跡乾坤任此身
乘興更攀仙掌去未知登覽共何人

輞川

前人

飛泉萬壑通藍水仄徑千峰入輞川野老那知旌節到
世人空作畫圖傳龜鼉岸圻深無地雞犬林間忽有天

即此買山堪避俗桃源何必訪神仙

讀書石室

王綸

堊寺山岡石洞紆人傳曾是馬融居地深只隔秦人樹
歲久仍藏禹穴書紺宇鐘連清楚寂碧蘿烟裊絳紗虛
當年借問橫經者前列生徒孰起予

紫雲樓

康海

危樓迥對二峰孤哀壑平連萬頃蕪摩詰畫圖空掩映
伯陽道德豈虛無方西澗谷漢馳道直北河山周故都

風土不殊人事異誰將縣徙問司徒

玉女洞

前人

當年鶴背誰同去此洞空留玉女名勝跡我來徒極目
高峰雲去正含情千秋不改龍潭色午夜猶聞玉佩聲
惆悵夕陽歸去晚滿溪春浪鬱琮琤

陳搏

王九思

華山隱士羨圖南高臥於今尚有龕花鳥多情誰作主
雲霞無恙夢猶酣玉峰臨路空勞望鍊索懸崖不可探

我欲東尋劉禹錫結茅同住碧巉巖

含元殿故基

管輯

唐家雙闕大明宮廢址巍然城角東
世代已非陵谷變山河依舊市朝空
盈堆瓦礫農耕遍無數牛羊野牧通
過客不須此惆悵未央長樂總蒿蓬

同兄登二郎山

馬汝驥

丹梯百丈繞雲松秀出綏州第一峰
地接石城屯虎豹水交沙窟蘊魚龍
風迴絳節時朝斗日晏黃冠自叩鐘

捫棘踐苔聯步上回看萬井翠烟重

入關望華山

何棟

新解兵機罷鎮回重尋精舍白雲隈
攀梯直上仙人掌
度索還登玉女臺
峰勢類蓮皆北拱
河流如練自西東
乘風為問希夷子
十丈荷花甚日開

未央宮

前人

秦火纔燃楚已東
鄼侯重築未央宮
終南山色橫門外
渭水清聲繞禁中
壯麗豈緣誇後世
悲歌猶恐似新豐

千年王氣難消歇
荒址猶含返照紅

華山

趙時春

丹崖蒼壁勢崢嶸
鳳翥龍盤幾萬層
福地風雲靈氣合
洞天宮闕斗光凝
仙人掌上千竒雪
玉女峰前九月冰
翠蓋紅蕖人不見
玉壺朱紉興難乘

拜將壇

張潮

不見將軍空古臺
空謀相國為雄才
五年籌策數言定
萬里煙塵百戰開
猛士計成誇善將
大風歌起動悲哀

閒亭獨倚江城外惆悵斜暉滿綠苔

武侯廟

前人

丞相遺蹤不可尋漢南沔水氣蕭森
雲霞樹繞旌旗色風雨江傳鼓吹音
據鼎三分非本計出師二表見初心
獨憐星隕荒祠廟千古忠懷激素襟

上郡

李攀龍

高城窈窕四山開西北浮雲睥睨迴
鼓角疑從天上落輶車真自日邊來
防秋尚借秦人策射石猶傳漢吏才

聞道朝廷思猛士羽書飛過赫連臺

太華山

四首
選一

前人

華頂峯堯四望開正逢蕭瑟氣悲哉黃河忽墮三峰下
秋色遙從萬里來北極風塵還郡國中原日月自樓臺
君王儻問仙人掌願上芙蓉露一杯

遊終南山

王鶴

勢拔羣山淨擁螺聲傳空谷聽樵歌紫芝滿地雲常護
翠壁撐天雨乍過虎豹洞深千嶂合蛟龍潭古萬年多

靈蹤望徹迷前路斷壁懸崖盡薜蘿

礪溪宮

張鍊

丹厓迴遶翠微宮十度溪橋一徑通雙鶴歸巢元圃暗
三花過雨石壇空林梢落月聞啼鳥磯上浮雲想釣翁
聖主即今懷隱逸還應有夢到非熊

楊知江招飲鳳翔東湖亭

許孚遠

使君開讌鳳城東亭隱湖心一鑑空萬疊青山春雨外
數聲啼鳥暮林中封疆正履岐周舊勲業何如旦奭雄

醞酒臨流千古意坐來鄙吝已消融

壺口

劉子誠

西出崑崙東入瀛口雖禹鑿未能平湧為萬島排空勢
捲作千雷震地聲映日霓虹浮瑞馬趨雲風雨起神鯨
奔騰今古宣元氣聖主當陽正待清

弔太史公墓

葉夢熊

大河東去勢茫然司馬殘碑記漢年孤史是非懸白日
龍門踪跡已浮烟玉書神護空遺穴石室雲藏有刺編

國士漂零同感慨一杯和淚滴重泉

遊青柯坪

溫純

削成絕壁倚危梯剛到山腰眼界迷為近天門尋白帝
故從鳥道拄青藜銜盃欲並峰蓮吸得句先攜玉女題
正好乘風凌絕頂歸來恐作舊人啼

雙槐

王九皋

疇將二樹留花縣明道先生手自栽豈是陶潛叢五柳
寧同王氏植三槐千尋老幹天機發萬丈靈根地脈來

酷似甘棠遺去後至今餘蔭覆琴臺

明道為鄆縣主簿時所植今雙槐尚

存在縣署
儀門外

遊龍門

張維新

一自荒山劃禹門
洪河西北下崑崙
無人不頌平成德
有峽猶瞻疏鑿痕
浪拍桃花天際捲
魚驚雷火水中翻
仙舟況是陪元禮
不道乘槎五色源

廊城春望

李維禎

西來山勢劇縱橫
殘雪流澌試火耕
一徑寒烟通古戍

幾枝衰柳帶春城，彎弓月倚欄杆上。
結陣雲扶，睥睨行笑，殺黃蛇廊行口。
餘腥猶染曼胡纓。

金鎖關即事

王崇古

牡丹川北兜零發，柳樹坪西羽箭稠。
分陝獨憐金鎖夜，抱關猶記玉門秋。
征人倚堞烟雙峽，病戍籌邊月半樓。
稍喜嫖姚整戎幕，荒村拂曙聽啼鳩。

三川谷口

前人

三川晴月古今同，萬里歸雲澗壑空。
飄泊當年憐杜老，

淒其異代憶陳公磨巖舊識山靈護弔古新傳草聖工
錦水秦山均羈旅天涯千載一歸鴻

吳嶽

邢雲路

巖巖吳嶽勢何雄極目秦關指顧中二華東來連太白
千峰西下接崆峒鸚藏古樹言成賦鳳翥高岡曲度桐
恠是五靈通灝氣芙蓉五朵插蒼穹

秋日登西城望終南諸峰

康萬民

岸幘憑欄眺遠峰氤氲佳氣散芙蓉欲登瀛海三山島

安得仙人九節筇紫塞夜寒歸候鴈昆明秋老隱游龍
家貧性僻惟耽酒痛飲能追五柳踪

望橋山黃帝宮

王邦俊

山前紫氣使車臨山下黃陵帝闕深終古橋門環逝水
當時翠蹕御層岑漢臺曉落碧雲色秦柏晴垂玉砌陰
千載龍髯勞想像鼎湖何處欲追尋

孟姜女祠

在同官

王淑拊

貞心苦節凜清秋雲樹蒼茫洞壑幽釵影不緣風日減

同官志云龕中石隙祠人

手痕常傍岸沙浮

又云經澮水漲手拍

南厓而哭今岸

崩徙跡仍不滅望夫臺上千行淚追騎山前萬縷愁

又云

秦追騎將及忽山

牽轉移追者乃反試看澗邊東逝水而今猶帶哭聲流

又云女至宜君山渴甚痛哭地湧甘泉今名哭泉

華山登眺

張銓

獨上高樓倚檻看
峩峩太華碧雲端
蓮峰直界青天斷
仙掌高擎白日寒
百代登封隆上祀
千秋險隘抱長安
平生剩有探奇志
只待秋風生羽翰

茂陵

趙岫

黃山歷盡見孤城
城上樓高眼倍明
芳樹寢園今北望
暮雲宮闕舊西京
芙蓉晝冷仙翁露
首宿春閒宛馬聲
回首長楊誇獵地
何人得似子雲名

望華山

文翔鳳

自禮西皇遠度關
年年塵土上愁顏
三峰彩翠垂天外
兩眼清波照世間
矯掌仙人擎月露
倒盆玉女櫛煙鬟
心花已作青蓮瓣
直向雲臺更問山

七盤坡

王旌

行盡一盤又一盤，七盤都盡到平顛。
樵攜秦嶺新芻過，客為長安名利還。
半積半消沙路雪，乍陰乍晴晚峰天。
盤桓回首生離思，高處臨風一悵然。

登祈仙臺

陳蒙育

百戰勞勞倦莫支，東封西祀苦奔馳。
軒轅疑有生人德，漢武空懸遺世思。
春斷金盤仙掌露，香殘玉母碧桃枝。
荒臺木末煙雲外，不盡淒涼猿鶴悲。

三川杜甫草堂

田龍

問柳尋花到草堂急呼村酒酌詩王乾坤無處容衰老
風雅何人到盛唐春雨三川驅瘦馬秋風一劍寄空囊
鄜州旅食崢嶸日南北音書共渺茫

發咸陽次醴泉懷古

龍膺

原沙莽莽凍雲流極目偏增異代愁苔蝕碑陰圖紫燕
槐蟠屋角幻蒼虬灰飛秦燼空歸漢瓦解唐墟倏易周
莫訝醴泉泉已竭銅駝荆棘幾千秋

遊輞川

陳文燭

人間何處避干戈，幽勝無如此地何。
水盡山頭人跡少，雲生樹杪鳥聲多。
良田數頃浮青靄，怪石千峰長綠蘿。
況是知心有裴迪，風流肯許右丞過。

登西嶽廟萬壽閣

本朝 宋琬

咸京西望接平蕪，下界陰晴乍有無。
九曲流從星宿海，五陵烟鎖帝王都。
蓮華弄影空青落，瀑布當窓雪練鋪。
咫尺三峰聊徙倚，不須探笈索真圖。

登華山絕頂

王鐸

層層天上撫蒼松，靈異陰森若有逢。
薦壁三峰驅孽鬼，撥雲一杖跨茅龍。
星衢寒暑絲元籥，陸海興亡幾暮鐘。
更向崑崙西眺望，空濛無盡是芙蓉。

咏華山

八首
選一

陳爌

咫尺天門萬仞連，遙瞻古道石梁邊。
層臺挂雪峰中練，老樹擎風峪底絃。
未識上方依去鳥，欲尋飛刹捫來烟。
黃河紫塞穿圍入，自昔名山界大川。

曲江

賈漢復

長安城外曲江池，文物風流萃一時。
樓傍紫雲涵倒影，堤牽錦纜遶遊絲。
烟花半入鄒枚賦，魚鳥空傳韋杜詞。
細柳青蒲今不見，夕陽人唱黍離離。

賈大司馬修棧詠

党崇雅

憶昔崔巍棧道難，千峰環峙白雲端。
參差峻嶺迷高日，俯仰重關枕急湍。
煉石誰能旋大造，移山今喜闢奇觀。
羨君才力誠名世，削盡懸崖路萬盤。

題王玉質手卷閣

東蔭商

阿閣高含嶽頂霞幽人面嶽讀南華借來霄漢千尋掌
拏得芙蓉十丈花屋裏峰巒流雨雪床頭雲氣走龍蛇
神仙若訪樓居侶定降烏衣巷口家

發細柳原寄榆林許大將軍高副使 鍾朗

驛路花開津樹低春深沙曲草萋萋懷人三月迷紅雨
奉使經年畏紫泥匹馬即今趨柳塞雙魚何日到榆溪
雞鳴西望愁心遠千里邊烽靜鼓鼙

扶風經伏波祠孟堅故里

許之漸

雄風三輔表黃圖按部扶風春草蕪銅柱有村悲故劍
著書通里景鴻儒環山百雉今荒邑帶水千畦屬奧區
眺首茂陵銜落日秦川渺渺正躊躇

灞岸秋日

孫爾思

曲溪遙帶晚霞流水國蘆鄉易到秋動泐寥天礧較苦

度滄涼月鴈知愁詩情舊植黃公柳

黃明府於灞岸築堤障水樹柳其上

東西十餘里

畫景新添青翰舟

灞橋無舟楫近始創為之

咫尺烟波千古

事鵷夷何必五湖遊

望驪山

樊英

遙望驪山翠靄間
幾回如向畫圖看
泉通遠近蓮花暖
雲鎖東西繡嶺寒
形勝差我臨渭水
煙嵐縹緲接長安
感懷更上朝元閣
落日蒼茫獨倚欄

登靖邊城

黃元驥

危樓雉堞曉雲平
谿水東流雨後聲
北望旌旗搖玉帳
西連鼓角動金明
橐砧昔斷深閨夢
刁斗空憐遠戍兵

秦月漢關人不見風沙蕭瑟若為情

吳山

楊時薦

天外芙蓉五朶開崔嵬山勢亦雄哉鳳凰巢上雲初聚
鸚鵡峰前雨欲來望輦幾思通帝座會仙何必羨蓬萊
數重烟霧封巒嶂雅興空攜謝屐回

沉香亭故址

彭年

輦路青青燕麥齊鏤空斷礎枕蒿藜綵雲天外留歌舞
斜日宮門動鼓輦絕調幾人搦賦筆新粧何處問香泥

徘徊野寺欄杆北清磬蕭然雜午雞

望蒼頡墓

陳上年

支峰綴壑嶺頭分欲往從之隔暮雲陽武荒臺空漢草
彭衙舊壘失秦軍石牛蘇長難為紀鐵土藤消不受焚
反覺五陵多晚照蒼然獨有北山墳

遊百塔寺

王弘度

谷口逶迤百塔深望中烟樹費招尋荒岡骨閉千年跡
斷碣文留一代心僧老那知思往事客來猶自續高吟

憑闌舒嘯情何極
瀉水蒼茫隔暮陰

謁蘇子卿墓

王又旦

荒原下馬讀殘碑
知是當年屬國祠
千古鴻名聞朔漠
一丘黃壤接邊陲
山臨落照羊來下
路入西風鴈去遲
此日茂陵蕪沒盡
可憐宰樹尚南枝

萬壽閣

在西
藏廟

許孫荃

千尋閣勢倚蒼穹
縹緲真成白帝宮
檻外三峰剛對華
望中八水直趨潼
虛疑玉女明星見
實有青牛紫氣通

應得祠官虔報賽灝靈西極本無窮

未央故址

前人

平原禾黍送西風野草連天有故宮鶯語樹猶通太液
雞聲村欲問新豐依稀玉殿秋山外寂寞銅駝暮靄中
却憶崛起無尺土黃圖還帶夕陽雄

沔縣謁諸葛忠武侯祠

王士禎

天漢遙遙指劍關逢人先問定軍山惠陵草木冰霜裏
丞相祠堂檜柏間八陣風雲通指顧一江波浪急潺湲

遺民衢路還私祭不獨英雄血淚斑

鳳翔府

前人

城邊汧渭兩交流隴蜀中分第一州西雍橫當斜谷路
南山高接杜陵秋雌鳴尚憶秦人霸星隕難銷漢相愁
形勢依然身萬里扶風歌罷拂吳鉤

漢武帝通天臺址

前人

通天臺畔望咸京秋入晴川雨半晴御宿不來仙掌散
宮車已往露盤傾神光遙指虛無影渭水長流日夜聲

此去西風茂陵路祇應腸斷沈初明

咸陽早發

前人

日照長陵小市東依然踪跡逐飛蓬
未央宮闕悲歌裏鄠杜鶯花淚眼中
已見銅人辭漢月空留石馬卧秋風
多情最有咸陽草和雨和煙歲歲同

望嶽

李因篤

太華三峰列峻屏晴霄飛翠下空溟
曉雲東抱關河紫秋氣西來天地青
玉女盆中寒落黛仙人掌上接明星

亂餘林壑懷遺客縹緲幽棲賦采苓

題頻陽王將軍廟碑

五首選一王
將軍廟在富平

前人

山居滂沛灝靈偏美應為霖自昔傳

將軍廟額
曰美應侯

避暑灣

西遮虎阜聞雷廟左帶龍泉千家俎豆兼秋報四野桑
林接暮煙欲問崇褒何代始村翁不記漢唐年

陝西通志卷九十六